



a cura di Isabella Descalzo

Bernardo Gandoglia, *Storia del Comune di Noli dalle sue origini fino alla sua unione al Regno di Sardegna nel 1815*, Arti Grafiche Dial, Mondovì 2015, pagg. 184

Nicolò Russo, *Sulle origini e la costituzione della Podesteria di Varazze, di Celle e delle Albisole*, Erga Edizioni, Genova 2018, pagg. 306

Doe bèlle ristanpe anastatiche. A primma a ripropone in libro scritto do 1897 “*per uso del popolo*” da l’aloea diretô-cappo de scheue comunali de Sann-a, e defæti a stôia de Nôi, stæta senpre fedele a Zena, a l’è circostanciâ ma contâ inte ’na mainea ciann-a, e a se leze ben voentea.

O segundo libro, senpre consultòu da-i studioxi da mateia e òrmai introvâbile, o l’ea sciortio do 1908 a spéize de l’août, ch’o l’ea ’na personn-a modèsta e, sciben ch’o fise in stòrico de vâlia, o s’ea contentòu de fâ l’insegnante, pe-a fortun-a di seu alievi. Questa ristanpa a l’è dovua a-i sò nevi e a quanti, personn-e e istituçioin, l’àn agiutæ a fala.

Ven spontâneo òservâ comme chi àiva stanpòu questi libri æse rigoardo pe-i euggi di letoî, deuviando carateri grandi e ben distançiæ.



Alessandro Pellerano, *L’Istituto di Zoologia della Università degli Studi di Genova. Cenni storici e ricordi*, Università di Genova, Genova 2013, pagg. 160

Alessandro Pellerano, *Il Laboratorio Marino e la Società Ligure Sarda per la Protezione della Pesca*, Università di Genova, Genova 2019, pagg. 108

Alessandro Pellerano, *Racconti d’Arbâ*, Genova 2009, pagg. 108

Alessandro Pellerano, *La Rivoluzione in Arbâ*, Genova 2010, pagg. 122

Alessandro Pellerano, *Sogni e ricordi...*, Genova s.d., pagg. 12

L’août o l’à pasòu a vitta inte l’istituto de Zoologia de l’Universcitæ de Zena e o gh’à travagiòu con pascion e sodisfacion, tanto da voéighe dedicâ in libro into quæ o ne ripercore tutta a stôia finn-a a-i nòstri giorni.

O segundo libro o l’è invece dedicòu a doe istituçioin che no gh’èn ciù ma ch’àn fæto a stôia da biologia marinn-a a Zena, pe mérito de studioxi che gh’àn dedicòu a seu vitta e i seu dinæ, comme o Rafæle Issel e o Luscian-dro Brian. Ma o Peleran o l’è anche ’n atra grande pascion, quella pe Arbâ, o quartê dov’o l’è nasciùo e visciùo e in sciò quæ o l’è fæto ben ben de riçèrche, tanto da poéi scrîve con gâibo a ricostruçion de quello che li dêv’ese sucèssò a-i primmi de setembre do 1797. O l’è pitò ascì e o l’è vosciuo testimoniâ o seu amò pe Arbâ anche con di quaddri bèlli e òriginali.

